



Broj: 04-16-1-451- /25
Dana: 28.02.2025. godine

BOSNA I HERCEGOVINA
MINISTARSTVO FINANSIJA I TREZORA
Sektor za budžet

Predmet: Izvještaj o izvršenju budžeta za period 01.01.2024.-31.12.2024. godine; dostavlja se,-

Veza: Vaša Instrukcija za sačinjavanje godišnjeg izvještaja o izvršenju Budžeta budžetskih korisnika za period od 01.01.-31.12.2024. godine broj: 05-02-2-95-1/25 od 06.01.2025. godine

U skladu sa članom 14. i 22. Zakona o finansiranju institucija BiH („Službeni glasnik BiH“ broj 61/04, 49/09, 42/12, 87/12 i 32/13) i Pravilnikom o finansijskom izvještavanju institucija BiH („Službeni glasnik BiH“ broj 25/15 i 91/17) dostavljamo godišnji Izvještaj o izvršenju budžeta za period 01.01.2024.-31.12.2024. godine. Dostavljamo:

- Analiza izvršenja budžeta za period 01.01.2024.-31.12.2024. godine (tekstualni dio)
- Bilans stanja (Obrazac BS)
- Zabilješka uz BS
- Obrazac 2 (neposredna potrošnja, programi posebne namjene) po sintetičkim i analitičkim ekonomskim kategorijama
- Obrazac VP
- Obrazac 4
- Obrazac 4/1
- Obrazac 5
- Obrazac 6
- Obrazac 6/1
- Obrazac 7
- Obrazac 2 zbirni
- Izjava o odgovornosti
- Izjava o korektivnim radnjama koje su preuzete s ciljem preporuka revizije iz prethodne godine
- Informacija o realizaciji preporuka interne revizije

S poštovanjem,
Prilog: kao u tekstu i CD

ZAMJENIK MINISTRA
Ivica Bošnjak

Dostaviti:
- Naslovu
- a/a

BOSNA I HERCEGOVINA
MINISTARSTVO SIGURNOSTI

IZVJEŠTAJ O IZVRŠENJU BUDŽETA
ZA PERIOD 01.01.-31.12.2024.GODINE

Sarajevo, 28.02.2025, godine

ANALIZA IZVRŠENJA BUDŽETA ZA PERIOD 01.01.-31.12.2024. godine

Ministarstvo sigurnosti Bosne i Hercegovine (u daljem tekstu: Ministarstvo) posluje u sastavu Vijeća ministara Bosne i Hercegovine kao budžetski korisnik pod organizacionim kodom 2701 (0903) i identifikacionim brojem 4200824880003. Finansijski izvještaj urađen je tako da je iz njega vidljivo izvršenje budžeta za Ministarstvo i programe posebne namjene.

Godišnji finansijski izvještaj pripremljen je u skladu sa Instrukcijom Ministarstva finansija i trezora Bosne i Hercegovine za sačinjavanje godišnjeg izvještaja o izvršenju budžeta budžetskih korisnika za period 01.01. – 31.12.2024. godine.

- Uvod

Na osnovu Zakona o Budžetu institucija Bosne i Hercegovine i međunarodnih obaveza Bosne i Hercegovine za 2024. godinu („Službeni glasnik BiH“ broj 50/24) Ministarstvu sigurnosti odobren je iznos 11 884 000KM. Izvršena su dva prestrukturisanja rashoda po Odlukama Ministarstva finansija i trezora BiH broj 05-16-2-114-10/24 od 16.9.2024. godine, broj: 05-16-2-114-18/24 od 20.12.2024. godine. Iz tekuće rezerve su odobrena sredstva u iznosu 2.000.000 KM i to na osnovu dvije Odluke Vijeća ministara Bosne i Hercegovine (VM broj 84/24 od 212/23)

U ovom izvještajnom periodu postojalo je deset programa posebne namjene i to:

- Tekuće rezerve po Odluci VM broj 212/24 od 17.10.2024. godine na iznos 1.000.000 KM u svrhu saniranja posljedica poplava u Bosni i Hercegovini – šifra programa 0903510
- Tekuće rezerve po Odluci VM broj 210/24 od 23.10.2024 na iznos 1 000 000KM u svrhu saniranja požara u BiH-šifra programa 0903520
- Novčana donacija o raspodjeli finansijskih sredstava međunarodne pomoći poplavljenim područjima u BiH-šifra programa 2701010
- Novčana donacija UNHCR-a za podršku radu Azilantskog centra u Delijašima – šifra programa 0903030
- Novčana donacija - Pomoć za provedbu strategije borbe protiv trgovine ljudima USAID – šifra programa 0903220
- Novčana donacija Vlade Japana – šifra programa 0903360
- Novčana donacija projekat ROSES – šifra programa 0903450
- Novčana donacija IOM – šifra programa 0903480
- Novčana donacija NICS 2- šifra programa 0903490
- Novčana donacija SAM- šifra programa 0903500

Analiza izvršenja budžeta Ministarstva za period 01.01.-31.12.2024.godine – po ekonomskoj klasifikaciji

Na osnovu Zakona o Budžetu institucija Bosne i Hercegovine i međunarodnih obaveza Bosne i Hercegovine za 2024. godinu Ministarstvu sigurnosti odobren je iznos 11. 884.000 KM.

Prenesena sredstva programa posebnih namjena iz 2023.godine u 2024.godinu i novčane donacije u 2024.godini iznosila su 1.321.857,62 KM, primljene donacije za pomoć poplavljenih područja iznosila je 20.397.017,38 KM i odobrena sredstva iz tekuće rezerve iznosila su 2.000.000 KM, što ukupno iznosi 23.718.875 KM.

Ukupan budžet s programima posebnih namjena iskazan je u iznosu 35.602.875 KM.

Ukupan budžet za 2024.godinu i izvršenje budžeta za period 01.01.-31.12.2024.godine dat je po ekonomskim kodovima u Obrascu broj 2. ovog Izvještaja.

U navedenoj tabeli vidljivo je da je Ministarstvo u ovom izvještajnom periodu ostvarilo ukupne rashode u iznosu 33.235.175KM zajedno sa programima posebnih namjena što iznosi 93,3% odobrenog budžeta sa programima posebne namjene, odnosno 9.069.214 KM bez programa posebnih namjena, što iznosi 86% budžeta bez programa posebnih namjena.

Od ukupno odobrenih sredstava za tekuće izdatke u iznosu 10.458.000 KM za 2024.godinu u ovom izvještajnom periodu utrošeno je 9.578.093 KM odnosno 91,6% odobrenih sredstava, što je za 8% više u odnosu na isti izvještajni period prošle godine. Pregled utrošenih sredstava za tekuće izdatke za period od 01.01. do 31.12.2024. godine je sljedeći:

Od ukupno odobrenih sredstava za tekuće izdatke utrošeno je 9 578 093 KM odnosno 91,6% odobrenih sredstava. Pregled utrošenih sredstava za tekuće izdatke za period od 01.01. do 31.12.2024. godine je sljedeći:

1.	Bruto plate i naknade	6 794 324	99%
2.	Naknade troškova uposlenih	1 031 760	98%
3.	Putni troškovi	244 423	74%
4.	Izdaci telefonskih i poštanskih usluga	79 376	93%
5.	Izdaci za energiju i komunalne usluge	29 292	52%
6.	Nabavka materijala	60 847	32%
7.	Izdaci za usluge prevoza i goriva	69 029	92%
8.	Troškovi zakupa	75 288	98%
9.	Izdaci za tekuće održavanje	364 428	48%
	Izdaci za osiguranje i troškove platnog		
10.	prometa	13 956	93%
11.	Ugovorene i druge posebne usluge	595 589	81%

Broj zaposlenih na dan 31.12.2024. godine iznosio je 188.

Procenat izvršenja budžeta u odnosu na prestrukturisani budžet za tekuće izdatke

1. Analiza – Bruto plate i naknade

Bruto plate (ekonomski kod 611100) za 2024. godinu odobrene su u iznosu 6 878.000 KM U periodu 01.01.-31.12.2024. godine za bruto plate i naknade utrošeno je 6 794 324 KM, odnosno 99% odobrenih sredstava, što je za 10% više u odnosu na isti izvještajni period predhodne godine. Više izvršenje u odnosu na izvještajni period predhodne godine je zbog primjene nove osnovice za obračun plata kao i povećanog broja zaposlenih u Ministarstvu.. Prosječan broj zaposlenih je 181. Ukupan broj zaposlenih na dan 31.12.2024. godine je 188, a odobreni broj zaposlenih je 192.

2. Analiza – Naknade troškova zaposlenih

Naknade troškova zaposlenih (ekonomski kod 611 200) odobreni su u iznosu 977 000 KM za 2024.godinu, a u ovom izvještajnom periodu utrošeno je 1 031 760 KM, te je urađeno prestrukturiranje u iznosu od 73 000KM, odnosno s konta 611100 prebačeno je 20 000KM i s konta 613000 iznos 53.00KM, što iznosi 98% odobrenih sredstava nakon prestrukturiranja. Povećanje ove stavke u odnosu na predhodni period uzrokovano je povećanjem naknade za prevoz sa posla i na posao, naknade za topli obrok, te otpremnina za odlazak u penziju usljed povećanja osnovice za obračun plata. Isplaćeno je pet otpremnina.

3. Analiza – Putni troškovi

Putni troškovi (ekonomski kod 613 100) odobreni su u iznosu 330.000 KM U periodu 01.01.-31.12.2024. godine na putne troškove utrošeno je 244 432 KM odnosno 74% odobrenih, što je 15% manje u odnosu na isti izvještajni period predhodne godine. Putni troškovi su racionalizovani i vrši se analiza svakog putnog naloga i opravdanost puta.

4. Analiza – izdaci za telefonske i poštanske usluge

Izdaci za telefonske i poštanske usluge (ekonomski kod 613 200) odobreni su u iznosu 80.000 KM, te je nakon prestrukturiranja odobreni iznos bio 85 000KM te je u ovom izvještajnom periodu utrošeno 79.376 KM odnosno 93% odobrenih sredstava, a isti su veći za 13% u odnosu na predhodnu godinu zbog povećanja poštanskih troškova i troškova mobilnog telefona u odnosu na isti izvještajni period predhodne godine. Navedeni troškovi su u skladu sa Pravilnikom Vijeća ministara o korištenju telefona i Odlukama o korištenju mobilnih i fiksnih telefona u Ministarstvu sigurnosti BiH. Na osnovu ovih podzakonskih akata smanjen broj zaposlenika

koji imaju pravo korištenja mobitela i dozvoljenih iznosa, kao i ukidanjem 0 sa fiksnih telefona. Izdaci za ove usluge se kontinuirano racionaliziraju.

5. Analiza – Izdaci za energiju i komunalne usluge

Izdaci za energiju i komunalne usluge (ekonomski kod 613 300) odobreni su u iznosu 56.000 KM. U ovom izvještajnom periodu utrošeno je 29 292 KM, odnosno 74% odobrenih sredstava, što je za 22% manje u odnosu na predhodu godinu, jer je došlo do smanjenja cijene peleta u odnosu na 2023.godinu. Nabavljen je pelet za potrebe azilantskog centra, a iz donacije UNHCR se plaća električna energija i naknada za odvoz smeća.

6. Analiza - Nabavka materijala

Nabavka materijala (ekonomski kod 613 400) odobreni iznos je 185.000KM. U periodu 01.01.-31.12.2023. godine za materijal je utrošeno 60 847 KM odnosno 33% od odobrenih sredstava. U odnosu na predhodni period ovi troškovi su niži za 35,5%, jer je smanjen broj tražilaca azila koji su smješteni u azilantski centar, te nije bilo nabavke hrane i higijenskog materijala kao predhodne godine.

7. Analiza – Izdaci za usluge prevoza i goriva

Izdaci za usluge prevoza i goriva (ekonomski kod 613 500) odobreni iznos je 75.000 U periodu 01.01.-31.12.2024. godine utrošeno je 63.024 KM odnosno 92% odobrenih sredstava, što je za 10% više u odnosu na isti period predhodne godine. Korištenje vozila je u skladu sa podzakonskim aktima Vijeća ministara BiH i Ministarstva.

8. Analiza – Unajmljivanje imovine i opreme

Unajmljivanje imovine i opreme (ekonomski kod 613600) odobreni iznos u budžetu je 69.000 KM i dodatno prestrukturisano 8.000 KM. U periodu 01.01.-31.12.2024. godine utrošeno je 75 288 KM odnosno 98% odobrenih sredstava. Ovi troškovi se odnose na potpisane ugovore o iznajmljivanju i najvećim dijelom se odnose na iznajmljivanje mjesta na radiorelejn timer tornjevima na kojima je smještena komunikacijska oprema za informacione sisteme koji su u vlasništvu Ministarstva.

9. Analiza – Izdaci za tekuće održavanje

Izdaci za tekuće održavanje (ekonomski kod 613 700) u budžetu je odobren iznos od 833.000 KM, a sa prestrukturisanim iznosom 66.000 KM, raspoloživo je bilo 767.000 KM. Sa ove pozicije se plaća održavanje ISM sistema (Informacioni sistem za praćenje migracija), Sistema za zakonito presretanje telekomunikacija, Sistema elektronske pisarnice, Informaciono-komunikacijskih sistema, održavanje vozila, zgrada, kao i druge opreme Ministarstva. U periodu 01.01.-31.12.2024. godine utrošeno je 364 428 KM odnosno 47,5% raspoloživih sredstava, što je za 52% manje u odnosu na isti period predhodne godine.

10. Analiza – Izdaci osiguranja, bankarskih usluga i platnog prometa

Izdaci osiguranja (ekonomski kod 613 800) u budžetu je odobren je iznos od 15.000 KM. U periodu 01.01.-31.12.2024. godine za osiguranje, bankarske usluge i troškove platnog prometa utrošeno je 13 956 KM odnosno 93% raspoloživog iznosa, što je za 21,5% manje u odnosu na isti period predhodne godine.

11. Ugovorene i druge posebne usluge

Ugovorene i druge posebne usluge (ekonomski kod 613 900) odobreni iznos u budžetu za 2024.godinu je 740.000 KM. U periodu 01.01.-31.12.2024. godine za Ugovorene i druge posebne usluge je utrošen iznos 595 589 KM, odnosno 80,5% odobrenih sredstava i utrošeni iznos je manji za 15,5 u odnosu na isti period predhodne godine. Razlozi za manje troškove na ovoj poziciji u odnosu na planirane su sljedeći:

- Nije bilo potpisanih ugovora o djelu koji su bili potpisani predhodne godine
- Sa konta 613991 Ostale ugovorene usluge vrši se refundacija plata za oficira za vezu u Briselu, eksperta u MARRI Skoplje i oficira za vezu u Hagu kao i održavanje obuke u PCOTC za policijske službenike koji se upućuju u mirovne misije. Obzirom da Ministarstvo dva mjeseca u izvještajnom razdoblju nije imalo oficira za vezu i posljednja dva mjeseca nema predstavnika u MARRI centru, troškovi s ovog konta su znatno smanjeni.

KAPITALNA ULAGANJA

Za kapitalna ulaganja odobreni iznos u budžetu je 1 426 000 KM. Obzirom da je Ministarstvo sigurnosti planiralo u 2024. godini nabaviti dva motorna vozila, kao i dva specijalizovana vozila te IT opremu, Tempest opremu i kapitalna sredstva za potrebe azilantskog centra (ugradbena ploča, frizider, pečnica klima i dr) dodatna sredstva su se prestrukturirala s konta 821 500-nabavka stalnih sredstava u obliku prava u iznosu od 577 000KM i s konta 821 600-Rekonstrukcija i investiciono održavanje 151 000KM, te je cjelokupni iznos prestrukturiran na konto 821300-nabavka opreme. Ukupan iznos za nabavku opreme (821 300) je 1 327 000KM.

Ukupno izvršenje je 47,8% raspoloživih sredstava na poziciji kapitalna ulaganja. Za ugovorenu kapitalnu opremu koja nije isporučena do 31.12.2024.godine u iznosu 674 391.39KM izvršeno je rezerviranje sredstava na kontu razgraničeni rashodi za nabavku roba i usluga (391292) na iznos 674 391.39KM. Za taj iznos u glavnoj knjizi terećena je glavna grupa 8213 i 8216, a nije 0113 i 5111.

TEKUĆI GRANTOVI

Ministarstvu sigurnosti odobrena su dva granta

- Smještaj za žrtve trgovine ljudima 210.000 KM
- Obilježavanje Evropskog dana borbe protiv trgovine ljudima 18. oktobra 2022. godine 10.000 KM

Izvršenje u obračunskom razdoblju je 219 781. odnosno 99,9%.

PROGRAMI POSEBNE NAMJENE

Realizacija programa posebne namjene

1. Direktni transferi sa JRT (IPA podrška provedbi zakona) - šifra programa 0903390

Izvršen prenos iz 2023. godine u iznosu 511.938 KM. U odnosu na period kada su planirana ova sredstva nastupile su određene poteškoće u smislu da se oprema koja je nabavljena kroz IPA-u u međuvremenu prestala proizvoditi, tako da je nemoguće Sistem proširiti istom opremom. Trenutno zajedno sa Agencijom za školovanje i stručno usavršavanje, Graničnom policijom, Direkcijom za koordinaciju policijskih tijela BiH i Državnom agencijom za istrage i zaštitu pokušavamo naći kompatibilno tehničko rješenje.

2. Tekuća rezerva po Odluci VM broj 212/24 od 17.10.2024.godine, odobren je iznos 1.000.000 KM u svrhu saniranja posljedica poplava u Bosni i Hercegovini – šifra programa 0903510

Sredstva su doznačena kako slijedi:

Općina Jablanica 200 000KM

Općina Konjic 200 000KM

Općina Kiseljak 200 000KM

Općina Kreševo 200 000KM

Općina Fojnica 200 000KM

3. Tekuća rezerva po Odluci VM broj 210/24, objavljena u Službenom glasniku broj 84/24.

Odobren je iznos 1000 000KM u svrhu nabavke namjenske opreme za požarne sezone-šifra programa 0903520

Sredstva su doznačena kako slijedi

Federalna uprava civilne zaštite 500 000KM

4. Novčana donacija UNHCR-a za podršku radu Azilantskog centra u Delijašima – šifra programa 0903030

Izvršen je prenos neutrošenih sredstava po projektu iz 2023. godine u iznosu 7 610,86 KM za projekat UNHCR (podrška radu azilantskom centru) i ta su sredstva u cjelosti vraćena donatoru. U skladu sa ugovorom koji je Ministarstvo potpisalo sa UNHCR-om za 2023. uplaćeno je 370 580 KM. Od 01.01.-31.12.2024. godine utrošeno 362 669 KM što predstavlja 97,9% doniranih sredstava. Sredstva se troše za namjene koje su odobrene projektom.

5. Novčana donacija - Pomoć za provedbu strategije borbe protiv trgovine ljudima USAID – šifra programa 0903220

Izvršen je prenos neutrošenih sredstava iz 2024. godine u 2024.godinu u iznosu 5925,32KM. U 2024. godini utrošeno je 255 KM, odnosno 4,1% raspoloživih sredstava.

6. Novčana donacija Vlade Japana – šifra programa 0903360

Izvršen prenos iz 2023. godine u 2024.godinu u iznosu 98,83 KM. Nakon izmjene i dopune kao i preraspodjele sredstava korigirani budžet je iznosio 1976KM od čega je utošeno 1877KM odnosno 98% raspoloživih sredstava.

7. Novčana donacija projekat ROSES – šifra programa 0903450

Ukupno raspoloživa sredstva za ovaj projekat u 2024.godini su iznosila iznosio 49 221KM, od čega je u ovom izvještajnom razdoblju utrošeno 44 235KM, odnosno 89,9% do sada uplaćenih sredstava za ovaj projekat. Sredstva se troše u skladu sa ugovorom.

8. Novčana donacija IOM – šifra programa 0903480

U ovom izvještajnom periodu prenesena sredstva iz 2023.godine u 2024.godinu za ovaj Projekat iznosila su 3 093,58KM. Donator je za ovaj projekat uplatio sredstva u iznosu 62 328 KM, a do 31.12.202. godine utrošeno je 59 234KM KM, što iznosi 95% od uplaćenih sredstava. Sredstva se troše u skladu sa ugovorom.

9. Novčana donacija NICS 2 – šifra programa 0903490

U ovom izvještajnom periodu prenesena sredstva iz 2023.godine u 2024.godinu za ovaj Projekat iznosila su 80 114,53KM. Nakon uplate tranše raspoloživa sredstva iznosila su 164 973KM, a u ovom obračunskom period utrošeno je 84 858KM, što predstavlja 51,4%. Sredstva će se trošiti u 2025.godini u skladu sa popisanim ugovorom.

Nenovčane donacije

U 2024. godini Ministarstvu je donirana oprema u vrijednosti 4 434 285 KM.

Prihodi

Prihodi ministarstva su iskazani u Obrascu 1.

Osim prihoda ostvarenih kroz primljene transfere-donacije u iznosu 21 025 933KM, također ostvareni su prihodi i od neposrednih prihoda u iznosu 107 586 KM

Ministarstvo je prodalo jedno motorna vozila u iznosu 6 311 KM, a jedno vozilo je donirano u skladu sa Odlukom Vijeća ministara.

ANALIZA STANJA STALNIH SREDSTAVA

U godišnjem izvještaju za 2024. godinu zajedno su prikazana stalna sredstva Ministarstva i programa posebnih namjena. U pregledu stalnih sredstava u obliku stvari i prava sa stanjem 31.12.2024. godine prikazane su donacije i nabavke motornih vozila. U upotrebu su stavljena nova stalna sredstva.

Na osnovu Odluke o popisu na dan 31.12.2024. godine broj: 04-16-5-8845/24 od 09.12.2024. godine izvršen je popis osnovnih sredstava. Detaljan pregled stalnih sredstava dat je u Obrascu 6.

ANALIZA RADNIH MJESTA

- Sistematizacija

Po Pravilniku o unutrašnjoj organizaciji Ministarstva sigurnosti broj 01-02-125/09 od 09.04.2009. godine, Pravilniku o izmjenama i dopunama Pravilnika o unutrašnjoj organizaciji Ministarstva sigurnosti 01-02-2-1400-6/16 od 06.04.2016 godine, Pravilniku o izmjenama i dopunama Pravilnika o unutrašnjoj organizaciji Ministarstva sigurnosti broj 04-34-8173-31/21 od 19.12.2022. godine i Pravilniku o izmjenama i dopunama Pravilnika o unutrašnjoj organizaciji Ministarstva sigurnosti broj 04-50-7073-2/22 od 28.12.2022. godine broj zaposlenih po sistematizaciji iznosi 249.

- Popunjenost

Na početku 2024. godine početni broj zaposlenih je bio 175. U toku 2024. godine priliv je bio 15 zaposlenika (prijem novih službenika u skladu sa provedenim konkursima i oglasima), a odliv 3 zaposlenika (odlazak u penziju službenika, te sporazumni prekidi zaposlenja). Dinamika zapošljavanja prikazana u Obrascu br. 4/1 ovog izvještaja. Zaključno sa 31.12.2024. godine, planirao je 192 zaposlenika, a ostvareno 188 zaposlenika što čini 97,9% u odnosu na plan.

Informacija o primjeni Pravilnika o korištenju mobilnih i službenih fiksnih telefona

Na osnovu Pravilnika o korištenju službenih telefona u Ministarstvu sigurnosti broj 01-02-2-3041-2/15 od 15.05.2015. godine i Pravilnika o izmjeni Pravilnika o korištenju službenih telefona broj 01-02-3041-5/15 od 04.06.2015. godine regulisana je ova oblast i troškovi se kontinuirano smanjuju. Za troškove fiksnih telefona planirani iznos za 2024. godinu je 30.000 KM, a izvršenje 23 106 što čini 77% raspoloživih sredstava. Za troškove mobilnih telefona planirani iznos za 2024. godinu je 18.000 KM, a utrošeno 14 443 KM što čini 80,2% raspoloživih sredstava

- Informacija o primjeni Pravilnika o korištenju sredstava reprezentaciji

Na osnovu Pravilnika o korištenju sredstava reprezentacije u Ministarstvu sigurnosti broj 02-02-2-7925-13/14 od 24.12.2014. godine i Pravilnika o izmjeni Pravilnika o korištenju reprezentacije u Ministarstvu sigurnosti broj 04-02-1-7925-35/14 od 23.12.2015. godine regulisana je ova oblast. U 2024. godini za troškove reprezentacije je odobren iznos od 60.000 KM, a utrošeno 42 749 KM, što čini 71,2% raspoloživih sredstava.

- Informacija o primjeni Pravilnika o načinu korištenja službenih vozila

Ova oblast je regulisana Pravilnikom o načinu korištenja, upravljanja, održavanja i registracije službenih motornih vozila Ministarstva sigurnosti broj 02-02-2-7606-8/14 od 24.12.2014. godine, Pravilnikom o uslovima nabavke i načinu korištenja specijalizovanih službenih vozila u Ministarstvu sigurnosti broj 04-02-2-6192-28/14 od 08.07.2015. godine, Pravilnikom o izmjeni Pravilnika o uslovima nabavke i načinu korištenja specijalizovanih službenih vozila u Ministarstvu sigurnosti broj 04-02-2-4558-15/16 od 16.01.2018. godine i Pravilnikom o uslovima nabavke i načinu korištenja službenih vozila u Ministarstvu sigurnosti broj 04-02-1-7073/23 od 31.10.2023. godine.

Tokom 2024. godine ostvareni su sljedeći troškovi na vozilima:

- Automobilske gume 5 692 KM
- Izdaci za benzin, dizel i registraciju motornih vozila 69 029 KM

- Materijal za opravku motornih vozila	17 763 KM
- Usluge opravki motornih vozila	5.454 KM
- Pranje vozila	2.998 KM
- Osiguranje vozila	12 677 KM

Broj vozila kojima raspolaže Ministarstvo sigurnosti je 20.

Putni troškovi i ugovori o djelu

PUTNI TROŠKOVI

- Tokom 2024. godine za putne troškove utrošeno je 244.423 KM od odobrenih 330.000 KM i isti predstavljaju 73,4% odobrenog budžeta. Putni troškovi su racionalizovani i vrši se analiza svakog putnog naloga i opravdanost puta.

Informacijao spoljnim saradnicima putem ugovora o djelu.

Budžetom za 2024. godinu planirani iznos za ugovore o djelu je bio 72.000 KM, utrošeno je 55 033 KM odnosno 76,4% raspoloživih sredstava, što predstavlja 41,8% manje u odnosu na isti period predhodne godine.

ZAMJENIK MINISTRA

Ivica Bošnjak

ZABILJEŠKA
uz Obrazac BS
na dan 31.12.2024. godine

AKTIVA

- Konto 110000 Novčana sredstva i plemeniti metali

Na kontu 111111 Žiro račun vode se sredstva donatora UNHCR.
Na ovom kontu sa 31.12.2024. godine stanje je 40.825KM.

- Konto 130000 Kratkoročna potraživanja
Stanje kratkoročnih potraživanja iznosi 5.567KM

Na ovom kontu su prikazana potraživanja po osnovu povrata PDV-a koja se odnose na donaciju UNHCR-a i potraživanja za refundaciju naknada za bolovanje.

- Konto 000000 Stalna sredstva
Nabavna vrijednost stalnih sredstava sa 31.12.2024.godine iznosi 24.293.930,46KM,
ispravka vrijednosti stalnih sredstava sa 31.12.2024.godine iznosi 15.849.781,70KM,
sadašnja vrijednost stalnih sredstava sa 31.12.2024.godine iznosi 8.444.148,76KM

Na kontu 0113 Oprema početni bilans uvećan za za doniranu opremu i nabavljenu opremu.

PASIVA

- 300000 Kratkoročne obveze i razgraničenja
Na kontu 3100000 evidentirane su obaveze prema dobavljačima u iznosu 22.862.835KM (navedene obaveze su značajno uvećane jer je u januaru 2025.godine unešena obaveza za raspored sredstava rezerve u iznosu 2.000.000 KM i raspored sredstava doniranih za poplavljena područja u iznosu 20.397.017KM, a ista se odnosila na 2024.godinu)
Na kontu 340000 evidentirane su obaveze prema zaposlenima u iznosu 636.743 KM a iste se odnose na platu za decembar 2024.godine koja je isplaćena u januaru 2025.godine, kao i ostale obaveze (troškovi telefona, putni troškovi itd)
Na kontu 390000 evidentirana su kratkoročna razgraničenja u iznosu 659.361KM. Za kapitalne nabavke za koje su potpisani ugovori u 2024.godini, ali će isporuka biti u 2025.godini rezervisan je iznos 674.391,39KM (potražno konto 391 292), a dugovni saldo na kontu 391 311 ostala razgraničenja u iznosu 15.030KM se odnosi na ispravku potraživanja prema dobavljačima.
- 500000 Izvori stalnih sredstava
Stanje ovog konta iznosi 8.444.149 KM što odgovara sadašnjoj vrijednosti stalnih sredstava.

ZAMJENIK MINISTRA
Ivica Bošnjak

